

國學基本叢書
韋蘇州集附拾遺
下

書叢本基學國

集州蘇章

遺拾附

(下)

撰物應章

行發館書印政商

韋蘇州集卷之五

訓答

期盧嵩枉書稱日暮無馬不赴以詩答

佳期不可失。終願枉衡門。南陌人猶度。西林日未昏。庭前空倚杖。花裡獨留樽。莫道無來駕。知君有短轅。

任洛陽丞答前長安田少府問

相逢且對酒。相問欲何如。數歲猶卑吏。家人笑

著書告歸應未得。榮宦又知疎。日日生春草。空令憶舊居。

假中枉盧二十二書亦稱臥疾兼訝李二

久不訪問以詩答書因以戲李二

微官何事勞趨走。服藥閑眠養不才。花裡碁盤憎鳥污。枕邊書卷訝風開。故人問訊緣同病。芳月相思阻一杯。應笑王戎成俗物。遙持麈尾獨徘徊。

訓盧嵩秋夜見寄五韻

喬木生夜涼。月華滿前墀。去君咫尺地。勞君千里思。一作萬里素秉棲遁志。况貽招隱詩。坐見林木榮。願赴滄洲期。何能待歲晏。攜手當此時。盧詩云歲晏以爲期

訓鄭戶曹驪山感懷

蒼山何鬱盤。飛閣凌上清。先帝昔好道。下元朝百靈。白雲已蕭條。麋鹿但縱橫。泉水今尚暖。舊林亦青青。我念綺襦歲。扈從當太平。小臣職前

驅馳道出灞亭。翻翻日月旗。殷殷鼙鼓聲。萬馬
自騰驤。八駿按轡行。日出煙嶠綠。氛氲麗層甍。
登臨起遐想。沐浴懽聖情。朝燕詠無事。時豐賀
國禎。日和絃管音。下使萬室聽。海內湊朝貢。賢
愚共歡榮。合沓車馬喧。西聞長安城。事往世如
寄。感深迹所經。申章報蘭藻。一望雙涕零。

答李漣三首

孤客逢春暮。緘情寄舊遊。海隅人使遠。書到洛

陽秋。

馬卿猶有壁。漁父自無家。想子今何處。扁舟隱
荻花。

林、中、觀、易、罷、溪、上、對、鷗、閑、楚、俗、饒、辭、客、何、人、最
往還。

訓柳郎中春日歸揚州南郭見別之作

廣陵三月花正開。花裡逢君醉一迴。南北相過
殊不遠。暮潮從去早潮來。

酬豆盧倉曹題庫壁見示

掾局勞才子。新詩動洛川。運籌知決勝。聚米似
論邊。宴罷常分騎。晨趨又比肩。莫嗟年髮改。郎
署定推先。

酬李儋

開門臨廣陌。旭旦車駕喧。不見同心友。徘徊憂
且煩。都城二十里。居在艮與坤。人生所各務。乖
濶累朝昏。湛湛樽中酒。青青芳樹園。絨情未及

發。先此枉輿。璠邁世超。高躅尋流得真源。明當策疲馬。與子同笑言。

訓元偉過洛陽夜讌

三載寄關東。所懽皆遠違。思懷方耿耿。忽得觀容輝。親燕在良夜。歡攜闕中闈。問我猶杜門。不能奮高飛。明燈照四隅。炎炭正可依。清觴雖云酌。所媿乏珍肥。晨裝復當行。寥落星已稀。何以慰心曲。佇子西還歸。

訓韓質舟行阻凍

晨坐枉嘉藻。持此慰寢興。中獲辛苦奏。長河結
陰冰。皓、曜、羣、玉、發。淒、清、孤、景、凝。一作澄至、柔、反、成、堅。造、
化、安、可、恒。方、舟、未、得、行。鑿、飲、空、兢、兢。苦、寒、彌、時
節。待、泮、豈、所、能。何、必、涉、廣、川。荒、衢、且、升、騰。殷、勤
宣、中、意。庶、用、達、吾、明。

李博士弟以余罷官居同德精舍共有伊
陸名山之期久而未去在詩見問中云

宋生昔登鑒末云。那能顧蓬華。直寄鄙
懷聊以爲答。

初夏息衆緣。雙林對禪客。在茲芳蘭藻。促我幽
人策。冥搜企前哲。逸句陳往迹。髣髴陸渾南。迢
遞千峰碧。從來遲高駕。自顧無物役。山水心所
娛。如何更朝夕。晨興涉清洛。訪子高陽宅。莫言
往來疎。驚馬知阡陌。

寄謝李博士永寧主簿叔廳見待

解鞅先幾日。欵曲見新詩。定向公堂醉。遙憐獨
去時。葉、霜、寒、雨、落、鍾、度、遠、山、遲、晨、策、已、云、整、當
同林下期。

答令狐士曹獨孤兵曹聯騎暮歸望山見
寄

共愛青山住近南。行牽吏役背雙驂。枉書獨宿
對流水。遙羨歸時滿夕嵐。

答李博士

休沐去人遠。高齋出林杪。晴山多碧峰。顯氣疑
秋曉。端居喜良友。枉使千里路。緘書當夏時。開
緘時已度。簷鷄已颺颺。荷露方蕭颯。夢遠竹窻
幽。行稀蘭徑合。舊居共南北。往來只如昨。問君
今爲誰。日夕度清洛。

答劉西曹

時爲京兆功曹

公館夜云寂。微涼羣樹秋。西曹得時彥。華月共
淹留。長嘯舉清觴。志氣誰與儔。千齡事雖邈。俯

念忽已周。篇翰如雲興。京洛頗優游。詮文不獨
占。理妙卽同流。淺劣見推許。恐爲識者尤。空慙
文壁贈。日夕不能酬。

答貢士叅逢

時任京兆功曹

一作才

茂等方上達。諸生安可希。栖神澹物表。渙汗布

令詞。如彼崑山玉。本自有光輝。鄙人徒區區。稱

嘆亦何爲。彌月曠不接。公門但驅馳。

一作投

蘭章忽有

贈。持用慰所思。不見心尚密。况當相見時。

一作嚴

答韓庫部

良玉表貞度。麗藻頗爲工。名列金閨籍。心與素
士同。日晏下朝來。車馬自生風。清宵有佳興。皓
月直南宮。矯翮方上征。顧我邈忡忡。豈不願攀
衆。執事府庭中。智垂時亦蹇。才大命有通。一作爲還當
以道推。解組守蒿蓬。

答崔主簿倬

朗月分林靄。遙管動離聲。故權良已阻。空宇澹

無情。窈窕雲鴈沒。蒼茫河漢橫。蘭章不可答。冲襟徒自盈。

答徐秀才

楊用修曰極其工緻而艷雪二字尤新

鉛鈍謝貞器。時秀猥見稱。豈如白玉仙。一作仙山嶠方與紫霞升。清詩舞艷雪。孤抱瑩玄冰。一枝非所貴。懷書思武陵。一云懷書且茂陵

答東林道士

紫閣西邊第幾峰。茅齋夜雪虎行蹤。遙看黛色

知何處。欲出山門尋暮鐘。一作款向西山尋暮鐘

答長寧令楊轍

皓月升林表。公堂滿清輝。嘉賓自遠至。觴飲夜何其。宰邑視京縣。歸來無寸資。瓌文溢衆寶。雅正得吾師。廣川含澄瀾。一作芳茂樹擢華滋。短才何足數。枉贈媿妍詞。歡晤良見屬。素懷亦已披。何意雲栖翰。不嫌蓬艾卑。但恐河漢沒。回車首路岐。

答馮魯秀才